



Broj: 08-01-03/2-11-2-1638-8/22

Dana: 14.07.2022. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20 i 10/21), u vezi sa članom 69. stav (2) tačka e) i članom 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), ministar Ministarstva unutrašnjih poslova Zeničko-dobojskog kantona, d o n o s i:

ODLUKU **o poništenju postupka javne nabavke**

Član 1.

Poništava se postupak javne nabavke za "Nabavka 150 tona uglja (mokra separisani mrki ugalj, asortiman orah, donje toplotne vrijednosti od 17000 do 19500 kJ/kg), po lokacijama kako slijedi: PS Vareš - 40 tona, PS Olovo - 20 tona, PS Maglaj - 35 tona, PS Doboj-Jug - 25 tona i PS Breza - 30 tona", iz razloga što su cijene svih prihvatljivih ponuda znatno veće od osiguranih sredstava za predmetnu nabavku - član 69. stav (2) tačka e) Zakona o javnim nabavkama.

Član 2.

Za izvršenje ove Odluke zadužuje se i ovlašćuje Sektor za podršku.

Član 3.

Ova Odluka objavit će se na web-stranici ugovornog organa (www.mupzdk.gov.ba), u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-1638/22 od 06.06.2022. godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost nabavke iznosila je 20.550,00 KM bez PDV-a.

Dodatno obavještenje o nabavci broj: 488-7-1-20-3-48/22, poslano je na objavu dana 08.06.2022. godine u 11,30 sati.

Komisija za javnu nabavku imenovana je Odlukom broj: 08-01-03/2-11-2-1638-2/22 od 08.06.2022. godine.

Komisija za javnu nabavku sačinila je Zapisnik o prijemu ponuda i Zapisnik sa otvaranja ponuda broj: 08-01-03/2-11-2-1638-6/22 od 29.06.2022. godine, te Zapisnik o pregledu i ocjeni ponuda broj: 08-01-03/2-11-2-1638-7/22 od 08.07.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "HARMELI" do.o.o. Banovići, "ILIĆ-TRGOVINA" d.o.o. Zvornik i "NOVI RUDNIK MRKOG UGLJA MILJEVINA" d.o.o. Miljevina.

Uvidom i daljnim pregledom dostavljenih ponuda Komisija je konstatovala da ponuđač "ILIĆ-TRGOVINA" d.o.o. Zvornik nije kvalifikovan obzirom da aktuelni izvod iz sudskog registra od 10.06.2022. godine, od Okružnog privrednog suda u Bijeljini, koji je dostavio u svojoj ponudi nije u formi originala ili ovjerene kopije, te je ustanovljeno da ponuđač nije postupio prema tačkama 13.1 i 14. h) Tenderske dokumentacije, gdje je naglašeno da se dokaz o registraciji u profesionalnom ili trgovačkom registru dostavlja kao original ili ovjerena kopija.

Komisija je utvrdila da ponuda ponuđača "HARMELI" do.o.o. Banovići i "NOVI RUDNIK MRKOG UGLJA MILJEVINA" d.o.o. Miljevina ispunjava sve zahtjeve u pogledu opisa predmeta nabavke i tehničkih specifikacija.

Nadalje, u dostavljenom Zapisniku Komisija predlaže Ministru Ministarstva unutrašnjih poslova Zeničko-dobojskog kantona da se za javnu nabavku pod nazivom: "Nabavka 150 tona uglja (mokro separisani mrki ugalj, asortiman orah, donje toplotne vrijednosti od 17000 do 19500 kj/kg), po lokacijama kako slijedi: PS Vareš - 40 tona, PS Olovo - 20 tona, PS Maglaj - 35 tona, PS Doboju-Jug - 25 tona i PS Breza - 30 tona", razmotri mogućnost zaključivanja ugovora sa ponuđačem "HARMELI" d.o.o Banovići, ovisno od raspoloživih sredstava u budžetu, a imajući u vidu da je ponuda ovog ponuđača za 8.670,00 KM bez PDV-a veća od procijenjene vrijednosti nabavke.

Slijedom navedenog, ugovorni organ ističe da je Planom nabavki Ministarstva unutrašnjih poslova Zeničko-dobojskog kantona za 2022. godinu, pod rednim brojem 13., te Odlukom o izmjeni Plana nabavki za 2022 godinu, broj: 08-02-07/2-11-2-630-1/22 od 02.06.2022. godine, planiran predmetni postupak za koji su predviđena, planirana i osigurana sredstva u iznosu 20.550,00 KM bez PDV-a. Nadalje, član 2. Odluke o javnoj nabavci određuje da procijenjena vrijednost nabavke iznosi 20.550,00 KM bez PDV-a. Dakle, kako je cijena ponude ponuđača "HARMELI" d.o.o. Zvornik za 8.670,00 KM bez PDV-a veća od procijenjene vrijednosti nabavke, a kako u budžetu nema dodatno raspoloživih sredstava, ista za ugovorni organ nije prihvatljiva.

Iz navedenog razloga, a u skladu s članom 69. stav (2) tačka e) Zakona o javnim nabavkama, odlučeno je kao u dispozitivu.

PРАВNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju postupka javne nabavke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi, direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

